

IIIIV Der. I. Titel des dritten Tractats

sein willen/mit vögten nit beladē noch gettungē werden. Sy hetten dan in niessung güter/die den kinden/oder fründen versangen vnd hafft weren/so sol es gehalten werden/wie es in dennachvolgenden titeln zwüschen eelüten vnd kinden gesetzt ist.

Kind vnder vatters gewalt

bedöffen nit vögt.

¶ Wir setzen vñ wöllen/diewil ein yeder vatter oder grosvatter/so vaterhalb ist/sine kind vnd kindskind in sinem gewalt hat/das dieselben kind oder kindskind dheinē vögt noch vomündet bedöffen/es syg dan des vatters will/oder das der vatter ald grosvatter von vns geacht vnd erkent wurd/das er diser verwaltung nit bequemlich wer/so sol man im doch on nachteil siner eeren/die kind oder kindskind mitsampt irem güte vffer sinem gewalt nemen/vnd nit by im lassen/besonder mit erfamen lüeten/so von derselben fründtschafft vorhanden/vnd darzü tougenlich vnd geschickt sind/so aber die nit vorhandē oder geschickt weren/als dan mit andern erbern personen bevögten vnd erziehen/vnd daruff wöllen wir sonderlich acht haben/das es also gehalten/vñ nit verhinlässiget werd/vnd sonderlich mag der vatter vollkommen verwaltung über siner kind züffendig güte haben/vnd bedatff darumb ander rechnung nit geben/dan wie im titel der eelüten erbschafft/so eins vor dem andern abstirbe/vnd kind verlast/wyter gemeldet ist.

Müttern Anen ꝛc. wie sich die der kinden vogty halb halten mögen.

¶ Die müttern/anen/vnd vranen/so verr die in handlūg regierung vñ verwaltung/irer zytlichen güter geschickt vnd sorgsam/ouch in wirtwenstand/vñ eins erlichen wesens sind/die mögen als vomündin volle verwaltung über ire vnmyndpare kinder/vñ derselben güter haben vñ tragen/doch nit anders dan so wir sy durch vnser erkantnuß zūgelassen hetten. Sy mögen ouch in testamenten irn kinden vögt ordnen/wie dan im nachgenden Statut von denselben vögten gemeldet würdt/vñ so sy die fürmundtschafft tragen/so sollen sy ierlich rechnūg geben/vnd anders thun/so hernach von den vögten geschriben stat./ob sy sich aber anderswert in die ee vermischen/oder in anderweg vnerbellich hieltē/so sind sy der vogtie stracks beraubt/vnd sind schuldig der fründtschafft vnd vns/